

INUIT ATAQATIGIIT INATSISARTUNI



UKA 2020/65

4. oktobari

2022

Hans Aronsen

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Nunatta kangiani aalisakkerfivinnut tulaassisussaataa-
nermik piunasaqaateqalersitsisinnaaneq
pillugu Naalakkersuisut misissueqqullugit peqquneqarnissaannik
inatsisartut aalajangiiffigisassaattut siunnersuut. Nalunaarusiaq
inatsisartunut UKA2023 nallertinnagu inatsisartunut
agguaanneqassapput.**

(Inatsisartunut ilaasortaq Mala Høj Kuko, Siumut)

Siullermik:

Matumunnga siunnersuuteqartumut Siumut sinnerlugu inatsisartuni ilaasortamut Mala Høy Kukomut qujanaq.

Tunisassiorneq inuiaqatigiinnut kikkunnut amerlanerpaanut iluaqutaassappat, suliffimmut pilerseqqusamut akilersinnaassuseq kisiat pinnagu, sumiiffimmilu pilersitiviusussami suliffissaqartitsineq pingaartillugu ilanngullugulu oqimaalutaqqissaarneqartariaqartut Inuit Ataqatigiit suleriuseraarput.

**Suliffissamik inuussutissarsiummik pilersitsineq
iluaqutaajuaannarpoq.**

INUIT ATAQATIGIIT INATSISARTUNI



Sumiiffinni ataasiakkaani suliffissaaleqinerup pilersitagai inunnut najungaqartunut ajornartorsiutinik nassataqartuartarsimapput. Soorlumi siunnersuuteqartup tunngavilersuutimini tamanna aamma eqqartoraa. tamannalu ilumoorpoq.

Nunatsinni sumiluunniit ukioq kaajallallugu silap pissusaa allanngorartuutuvoq, aasap ulluisa kialaartut angerlarsimaffitsini ikummatissamut atuinerput annikinneralaarsuutittarpaa. Soorlumi aamma aasaanerani inuussutissatigut imminut pilersornerput ajornannginnerungaartaroq.

Ukiutillugu issilluartillugu angerlarsimaffinni ikummatissamut atuineq annertusisarpoq, qaavaticullu ukiuunerani inuussutissatigut immitsinnut pilersorniarneput sikuq issip taarsuullu ajornanerulersittarpai.

Inuussutissarsiornikkullu siuariartuutaasunik pilersitsisoqaraangat, sumiiffinni sutigut tamatigut ineriartuutaalersarpoq, pingaartumilli inunnut timikkut tarnikkullu atungarissaarnermik nuannaarnerulernermillu aamma pilersitsisarluni.

Tunumi sumiiffiit tamarmik siunissami inuussutissarsiornikkut periarfissagissaatuupput. Ullumikkut takornariaqarneq annertuumik siuariartorfiuvoq. Ingerlataqartunilu iluaqutaallualeriarlorluni.

Imaatigullu ilitsoqqussatut inuussutissarsiorneq suli annertuumik ineriartortitassaavoq, sinerissap qanittuani aalisarneq, silaannaap allanngorneratigut periarfissanikkiartuinnarpoq.

Tunumi aamma mamarilluarneqartunik piniartakkatsinnik uumasogarluarpoq, inerisarluarneqarunillu nuna tamakkerlugu aamma inuulluutigineqartunik inuussutissarsiortoqarsinnaavoq.

Periarfissanik misissuineq.

INUIT ATAQATIGIIT INATSISARTUNI



Tunumi ukiup sikua kitaanisulli kinguariartuinnarpoq, sikorsuaqartarnera qangarnit aamma sivikinnerusumik atuutalerluni. Taamaalilluni umiarsuarnik usinik assartuutini ukiumut akulikinnerusunik tikinneqarsinnaallualersimalluni. Tamanna kingusinaangitsumik atorluarneqartariaqarpoq.

Nunatsinni inuiaqatigiinni pigineqartumik aalisarnikkut suliffissuaateqarpugut tunumissaaq atorluarneqartariaqartumik.

Naalakkersuisooqatigiit suliarnik tunumi inuussutissarsiornikkut ineriartortitsiumalluta pilersaatruteqarpugut, tamannali naalakkersuisut aallartereersimalerpaat.

Siunnersuummilu inuit suliffissaaleqisut ilanngullugit pineqarmata, taakkuli suliffissuup ukioq kaajallallugu ingerlaavartumillu iluaqutigineqarnissaanut pisariaqartinneqartutut isumalluutigineqassappata, siusissumik suliffimmut ataavartumut, piumasaqarfiusumullu naleqqussarneqarlutik piareersarneqalereernissaat suleqatigiisitamut Naalakkersuisut siullermeerinninnermi akissutitut oqaatigereeriinngaanni ilanngullugu sammilluarneqartariaqartoq kissaatigaarput.

Inuit Ataqatigiit qulaani naleqartitagut taakkartoreerlugit siunnersuut manna, naalakkersuisooqatigiit tunumi aalisarnerup siuarsarnissaa pillugu suliaat ingerlalereersoq pillugu, Naalakkersuisut allannguutissatut siunnersuutaat akuersaarparput, Aalisarnermut Piniarnermullu Nunalerinermullu Ataatsimiititaliamut aappaassaaneerineqartinnagu suliarineqarnissaa innersuullugu.